



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Deus non indiget operibus nostris, quomodo falsè exponitur. tit. 26

urn:nbn:de:hbz:466:1-29452

oratione, eleemosyna, Matth. 6. Item sermonem de decem præceptis, Exod. 20. Matth. 19. repetit illa. Secundò, frustra docuit Paulus 1. Corinth. 6. Ephes. 5. Galat. 5. Romanor. 8. quòd opera carnis impediunt ingressum salutis. Item, Cur corpus punitur morte, infirmitatibus varijs & miserijs, si Deus non curat opera, nec vitam? Romanor. 8. Corpus corrumpitur propter peccatum, falsum est ergò, quòd dicunt sectæ & cætera.

*DEVS NON INDIGET
operibus nostris, quomodo
sè exponitur.*

TITVLVS XXVI.



Primò, sectæ in derogationem bonorum operum, vt statuunt solam fidem inquirunt: Propheta dicit Psal. 15. Bonorum meorum non indiges Domine. Idè reijcit Deus omnia opera nostra, qualiacunque etiam sint, neque opus his habemus, sed tantùm sola fides sufficit absque omni additamento operum: vltra hoc, sunt etiam opera nostra, sicut pannus immundus, sicut propheta dicit, Esai. 64. Omnia opera nostra vt pannus menstruata. Et Iob 9. dicit: Verebar omnia opera meà, &c.

Secundò, Hic primò notare oportet, quid propriè sint & dicantur nostra opera. Deindè, quid Dei sint opera, quæ in nobis operatur. Primò, nostra opera vocat scriptura, quæ facimus nobisipsis & nostræ carni & corpori voluptatis causa, quemadmodum sunt opera carnis, enumerata à Paulo, Gala. 5. vti adulterium, scortatio, comessatio, lites, rixæ, ebrietas, &cæt, hæc sunt propria opera carnis nostræ, & vocantur opera nostra propriè. Secundò, sunt opera, quæ non nos ex nobis, sed Deus per nos operatur, quæ sunt Dei

Dei opera, vt sunt fructus Spiritus. Galat. 5. vt charitas, pax, patientia, timor, fides, modestia, obedientia legis, oratio, ieiunium, castitas, &cæt. omnium illorum operum author est Deus, id est, Spiritus sanctus. Nam nos non sumus sufficientes aliquid boni cogitare ex nobis, tanquam ex nobis, 2. Cor. 3. Et sic dicit Apostolus 1. Cor. 4. Quid habes quòd non accepisti? Ideò hæc opera propriè nō sunt nostra opera, sed Dei, quia Deus operatur illa. Deus autem quia illis non indiget, ideò donat ea nobis ad nostram vtilitatem. Roman. 8. Diligentibus Deum omnia cooperantur in bonum. Ideò oportet diligenter animaduertere & considerare, quomodò accipiatur hoc verbum, Opera nostra, &c.

Tertiò, hæc verba, Deus non indiget nostris operibus, dupliciter intelliguntur: Primò, Deum non opus habere nostris operibus, vt per ea vel potentior, vel ditior, omnipotentior, iustior, sapientior, prudentior fiat, quia perfectè est omnipotens, iustus, &cæt. ita vt ei nihil magis adijci possit. Matthæi 5. Estote perfecti, sicut & Deus pater vester cœlestis perfectus est. Alio modo sic potest intelligi, Deus non indiget nostris operibus, id est, laude, honore, gloria. Et sic est falsum. Nam Christus docuit Matth. 6. orare quotidie, vt nomen Dei sanctificetur, honoretur, non maledicatur, Exod. 20. & Matthæi 5. Sic luceant opera vestra, vt glorificent patrem vestrum, qui in cœlis est, &cæt. Si non vult DEVS à nobis glorificari, cur donat fidem, gratiam, bona opera? Vndè Malach. 1. filius honorat patrem, & seruus Dominum suum. Si ergo pater ego sum, vbi est honor meus? Et si Dominus ego sum, vbi est timor meus? Et Luca 6. Quid vocatis me, Domine Domine, & non facitis quæ dico vobis? Cur iubet se inuocari vel adorari, Psalm. di-
cente: Inuoca me in die tribulationis &c. Ergo vel nō reddendus est debitus Deo & conueniens honor, vel

G g 3 opera

Psalm. 49

opera nostra, quæ in laudem Dei præstantur, non oportet rejicere. Ad quid admonet scriptura, vt laudemus Deum, dicente Psalmista, Laudate Dominum omnes gentes? Paulus Phil. 1. Repleti fructu iustitiæ ad laudem Dei. Eph. 1. vt laudetur gloria gratiæ suæ. Et 1. Thessal. 5. In omnibus gratias agite. Ergo Deus non indiget operibus nostris ad suam utilitatem, sed ad nostram: sunt enim talenta Dei bona opera, quibus nostrum commodum procurare debemus & præmium, Matth. 25.

Ipse vult vt sibi honor detur, vt eum suis donis & operibus glorificemus, laudemus, gratias agamus, eum pro Deo solo & vero agnoscamus, & quem misit filium suum, Ioan. 17. Præmium autem operum nobis solùm vult imputare, licet ex gratia nobiscum agat, & Spiritus sanctus principale agens sit, 1. Cor. 13. Non ego, sed gratia Dei mecum, attamen omnia vult nobis dare. Exemplū: seruus à Domino conductus in vineam, quandò laborat fideliter, tunc facit opus Domini sui, sicut ipse Dominus faceret. Nam Dominus per illum facit opera sua, id est, in agro, in vinea, in horreo, &c. & donec seruus facit rectè & laborat fideliter, tunc dicitur facere opera Domini. Si autem seruus negligeret opus Domini sui, & intenderet ebrietati, luxuriæ, ocio, &c. hæc opera nõ essent Domini, sed essent propria opera serui. Et illa non cupit, nec eget Dominus, & seruus dicitur infidelis & incredulus. Sic etiam est cum operibus nostris & Dei. Nos in Baptismo promisimus Deo, q̄ velimus illi seruire, eiusq; honorem & laudem querere: quandò nõ obedimus Spiritui sancto in eius fructibus, Gal. 5. Fides operatur per charitatē, obedimus Deo in suis præceptis, Exo. 20. & facimus hoc propter gloriam & laudem Dei, nõ propter nostrum commodum: Tunc honoramus Deum, & sic cupit Deus opera nostra, & indiget illis, quo honori & laudi suæ satisfiat, & ille nõ de hoc nescit.

dehonestetur. Si autem fecerimus opera, magis propter ventrem & commodum nostrum, quàm laudem Dei, sicut Iudei propter terram sanctam & bona terræ seruabant legem, Deut. 28. tunc facimus nostra opera, id est, propria nostra opera. Sic inquit Christus: Qui plus diligit patrem, & matrem quàm me, non est me dignus, Mat. 10. Sic hæc vocantur opera Dei, quæ si illi in vera fide præstiterimus: etiã si illa à nobis sint facta, nihilominus sunt opera Dei, qui ea per nos operatur: si verò vtilitatem nostrã, id est, ventris nostri cõmoda spectemus, erunt nostra propria opera, quib. Deus non opus habet. Verùm sua opera sunt, quæ in nobis operatur per suum Spiritum sanctum, quæ à nobis præstari debent, vt illi soli cedant in honorem & laudem: & hætenus opus sunt illi nostra opera, quæ per nos operatur.

In eum finem etiam dicit Esa. 64. quòd opera nostra, quæ solùm sunt opera carnis, sine gratia Dei facta à nobis nostris viribus, sunt immunda, & omnes iustitiæ nostræ, quæ nostræ propriæ sunt, sunt velut pannus immundus menstruatae. Sed aliud est de operibus Dei, quæ per nos facit. Illa non sunt nostra, licet per nos fiant. Illa purificantur fide, Actorum 15. Et placent DEO propter Christum, id est, ex gratia, sic etiam veretur, Iob 9 omnia opera sua, quæ ex viribus suis fecit. Non loquitur de illis operibus, quæ Deus fecit, nam patientia sua fuit commendata, & iterùm impetrauit omnia bona, vt vltimò ditior fuerit, quàm à principio, Iob vltim. Nõ sunt ergo sic parui pendenda bona opera gratiæ & Spiritus sancti, quæ si Deus omnia reiiceret.

*AN LATRO IN CRUCE SINE
operibus est saluatus sola fide.*

TITVLVS XXVII.

Gg 4

Primò